

Beguem un còp de mai !
Beguem un còp de mai, beguem un còp de mai
Que fa tan bon a taula
Tan bon a taula
Quand la nèu es pel camin
Aici passem velhada
Fins a deman matin
Avèm fait curbissons, avèm fait curbissons
Laissem pausar la relha,
Pausar la relha
Qu'a fait tantes de bordons
Sosquem pus a l'esteva
E tindem las cançons
Sèm que de paisan, sèm que de paisan
Avèm pèl bristolada, pèl bristolada
Pel solèlh, tant a flambat
Pr' aquò las gents de vila
An pas nòstra santat
Fasèm venir lo blat, fasèm venir lo blat
Que fa blanca farina
Blanca farina e lo pan ros e brescat
Atal avèm moneda
Quand tornam del mercat
Fasèm venir lo vin, fasèm venir lo vin
Lo vin de nòstra vinha
De nòstra vinha
P'escaudurar nòstra sang
Amics qual vòl de roge
Amics qual vòl de blanc
Beguem un còp de mai, beguem un còp de mai
Que fa tan bon a taula
Tan bon a taula